

三通考輯要

第三函
第十冊

皇朝文獻通考輯要卷二十五

山陰湯壽潛鑒先恭輯

輿地考臣等謹按馬考以禹貢九州爲綱凡自宋以前之郡縣皆析載於其下蓋本杜佑通典之例顧其間分配疆域有不盡足據者禹貢分州但有山川之限非若後世郡國之書有四至八到之可考九州中惟兗豫青齊實居腹地猶可約略得之若冀州不言境界說者以爲三面距河則其北界於河而極荊州曰荆及衡陽說者以爲自衡陽以南無復有名山大川之可紀則其南界於何而止梁雍二州皆以黑水分疆自黑水之迹不明則其西界於何而判至於揚州之境北據淮而南距海自晉以後歷代諸史皆云五嶺之南至於海並爲揚域然考禹貢山川及物產貢賦皆不及焉漢書所載南粵閩粵尙與西南夷同傳則自三代以前其曾通中國與否固莫得而知也於此欲按其界限分列地名使截然不爽難矣爲九州之說者每曰禹以山川定疆界爲萬世不易之書史家作志以郡縣爲主郡縣一更而其書遂廢其言是矣不知郡縣能變其疆域而山川亦能混其疆域自山川未可盡憑而九州益難審考昔孔安國曰孔子述職方而除九邱九邱者九州之志也而除之存禹貢以著夏后治水之功而所述者職方也然則言地理者自當以今之郡邑爲主豈必多爲之說以求合於古哉抑又論之馬氏所纂者固自夏商周至宋十數朝之書也三代以後多襲古州之名止就其疆理所及分之故每代各有參差兩漢十三州晉十九州宋齊偏安而州名轉增多有僑置者蓋晉之冀州非卽漢之冀州本境宋之冀州非卽晉之冀州本境諸州莫不類然梁魏之末益務夸張往往一郡之地而析置者數

十一縣之名而複見者數四輾轉遷移循名失實幾於不可究詰至隋末改州爲郡而古者以州領郡之制俱廢唐復改郡爲州別設各道領之而宋又改稱爲各路勢不得於一書之中屢更其體例兼之南北割據時邊境之守彼此不常晉宋與十六國分地宋齊梁陳與北魏北齊北周分地唐末五代與十國及契丹分地朝隸南疆夕歸北界讀史者細辨方隅伊於何屬馬氏一以禹九州統之而後條理秩然至五朝續考仍其舊例者亦以事關數朝稱名互異必仍用九州分配而始歸畫一也洪維

盛又何取拘牽前例以古州之名號冠當代之版章乎且京師盛京而外爲省一十有八分置各府以領

諸縣諸州則參列其間或直隸如府或分治如縣至各邊外之地隸在輿圖者復以千萬里計四履之盛固已超軼漢唐其地之在古九州外者北自大青山左右爲蒙古諸部至喀爾喀地南自五嶺外爲廣東廣西及貴州地東北自盛京邊外爲吉林黑龍江等地西南自四川境外爲雲南及青海西藏地正西則自安西境外至於流沙而禹迹已盡其在天山北路則有烏嚕木齊伊犁等地天山南路則有喀什噶爾葉爾羌和闐等地自昔所稱近有龍堆遠則蔥嶺天所以界別區域者今則建官授職因地屯田耕牧方興邊氓樂業其境且達及二萬餘里若仍以九州爲綱則是贏出之地多於正數轉失分綱之本意矣茲編次輿地一門悉謹遵本朝之制

○京師謹按古聖王辨方建國必以首善之區爲會歸之極所謂王畿者四方之本而京邑者又王畿之本

也今之京師爲古燕薊之域地勢雄厚滄海環其左太行峙其右高峰古北諸關口衛其後據九州之上游南面而臨天下自古天府之國無過於此顧前代雖曾卜昌建都每以地近九邊控防是亟我聖朝德化遠被六合一家北至於瀚海南極於越裳東抵於朝鮮西窮於蔥嶺名王部長莫不占風測海共赴梯航以形勢論之古稱河雥爲九州之中而今之京師實又居天下之中太平有道之鴻圖於茲永固矣

○京師明初爲燕王封國永樂元年建爲北京稱行在十九年稱京師洪熙初復稱行在正統六年始定爲京師本朝順治元年世祖章皇帝定鼎建都於此爲萬世之基

直隸省 謹按禹貢首列冀州以其爲帝都所在而甸服侯服綏服要服荒服又各有遠近之序誠以帝王聲教所訖本無間於東西南北必以邦畿爲風化之首居重馭輕之勢然也夫古者中冀之區最稱廣大溯自軒轅涿鹿肇建帝畿其時畫野分州遂爲萬世興地之祖禹貢分州於冀域不言境界蓋豈三面距河而北界所分說者以爲當極陰山而止三代以後東南日贏而西北日縮於是幽燕重地界在邊隅非特地運使然亦由德化之未廣故也今之直隸自遼金元明遞爲畿輔我朝誕膺景命入關定鼎政教一新

列聖相承以來北自長城以外經野設官烟火桑麻徧成樂土已包越古冀州之境至於玉塞秋高合圍續武斗車雪旱歲舉時巡木蘭林壑之間儼成靈囿皆由聖朝威德丕宣化行蕃部舉龍沙朔漠之遙莫不隸於郊甸環衛京師實爲互古之所未有用莫我國家億萬世丕基猗歟盛哉

直隸明洪武初改諸路爲府分屬河南山東行省廢上都路及大甯路二年置北平行中書省九年罷行省改置北平等處承宣布政使司二十年置北平行都指揮使司領大甯等二十二衛永樂元年以北平爲北京罷布政使司以所領直隸北京行部以大甯衛屬保定府而故地廢十九年改北京爲京師各府州仍直隸京師共領順天保定永平正定順德廣平大名河間八府延慶保安二州宣德五年又置萬全都指揮使司領宣府等十五衛 本朝順治元年 世宗章皇帝定鼎建都其順天等八府二州及宣府鎮皆仍其舊凡領府十一直隸州六廳三各衛所俱以次裁併入州縣其存者專司漕運不治民事

順天府明洪武元年改爲北平府爲北平行中書省治九年爲北平承宣布政使司治永樂元年罷布政使司改北平爲順天府置府尹凡領州五縣二十二 本朝凡領京縣二州五縣十七統於順天府尹亦兼屬於直隸總督 謹按自昔京畿親民之吏視外郡品秩加優所以重帝都也漢置京兆尹左馮翊右扶風與各州刺史殊稱唐宋以來並稱爲尹今之順天府曰尹曰丞列在京卿不儕於知府大興宛平二京縣亦較外縣秩加一等至於五城之地設兵馬司正副指揮使以分治之猶之漢之左右都尉唐之赤縣尉宋之都廂官也其統之以五城察院者猶之漢之司隸校尉也蓋肇轍之區四方所會設官分職整率攸資誠所謂教化之行建首善自京師始者矣

原二百六十九

保定府在京師西南三百五十里明共領州三縣十七 本朝領州二縣十五

永平府在 京師東五百五十里明洪武初爲平灤府四年改爲永平府共領州一縣五 本朝領州一縣六

正定府在 京師西南六百里明爲真定府共領州五縣二十七 本朝領州一縣十三

順德府在 京師西南一千里 本朝因明領縣九

廣平府在 京師西南九百五十里明領縣九 本朝領州一縣九

大名府在 京師西南一千一百二十里明共領州一縣十 本朝領州一縣七 謹按古冀兗豫三州之界

判自南河東河之間禹河自今河南濬縣西之大伾山卽折而北行凡河內之地皆古冀州境自大伾而東南爲今河南之封邱縣至直隸之長垣東明二縣入山東之荷澤縣曹縣界爲古豫州境自大伾而東北爲今河南之內黃縣至直隸之開州清豐南樂二縣入山東之濮州觀城縣界爲古兗州境

河間府在 京師南四百十里明共領州二縣十六 本朝領州一縣十

天津府在 京師東南二百五十里 本朝初設關置總兵鎮守雍正三年改爲直隸天津州以河間府之靜

海青二縣來屬九年升爲府以滄州及南皮等三縣來屬又增置天津縣凡領州一縣六 謹按古冀州以西

河與雍分界以南河與豫分界以東河與兗分界自西河以東南河以北東河以西皆冀州域也今自河南之

水澤縣以上禹河未改自此而下故道久湮而冀兗二州之界以復者蓋河自禹功告成之後下迄元明凡

五大變而暫決復塞者不與焉其一則周定王五年河徙自宿胥口東行漯州至長壽津與漯別行又東北至

合口會漳水至章武縣入海卽水經所稱大河故瀆者是也其二則王莽始建國三年河決魏郡泛清河平原濟南至千乘入海後漢永平中王景修之遂爲大河經流而北瀆以空水經所稱河水者是也當禹河初徙其合漳處謂之合口在浮陽西今之滄州界自此而入海猶爲禹河故道再徙則河改徙千乘口入海在今山東之利津縣界而漳從章武專達於海於是大伾以東舊迹盡亡矣其三則宋慶曆八年河決商胡分爲二派北流合永濟渠至乾甯軍入海東流合馬頰河至無棣縣入海二流迭爲開閉宋史河渠志所載是也乾甯軍爲今之青縣界無棣縣爲今山東之海豐縣界至元符時東流斷絕北流獨行是河入海處尙在今天津界也其四則金明昌五年河決陽武隄灌封邱而東注梁山濼分爲二派北流由北清河至利津入海南流由清河合推入海於是清滄之間河流遂絕其五則元至元中河徙出陽武縣南其後會通河成北派微及明弘治中築斷黃陵岡而北流盡塞遂以一淮受全河之水矣考史記河渠書謂禹導河至於大伾二渠以引河北載之高地二渠其一爲漯川自黎陽大伾山南東北流至于乘入海其一則河之經流自大伾山西南折而北流至列人斥章縣界合漳水自此東北入海今之肥鄉乃漢列人縣地今之曲周乃漢斥章縣地爲禹河北過澤水處後世河益徙而南漳水遂專達於海故自列人斥章以下凡水經所載漳水經行之地皆禹河故道也以今輿地言之禹河自河南之滎澤縣北其北岸爲獲嘉縣又東流經原武延津縣北其北岸爲新鄉縣汲縣皆與豫分界又東北流經滑縣西北濬縣西南至大伾山折而北曰宿胥口始爲東河與兗分小自此而東北

湯陰安陽臨漳三縣入直隸境經大名府之魏縣廣平府之成安肥鄉至曲周縣合漳水卽古洹水又東北經順德府之平鄉廣宗至鉅鹿縣則大陸澤在焉又東北經冀州之南宮新河二縣經本州境及衡水武邑二縣又東北經保定府之東鹿縣深州及武強縣又東北經河間府之阜城獻交河三縣天津府之滄州及青靜海天津三縣皆禹時冀東洹河之地自大陸以下播爲九河其經流謂之徒駭又同爲逆河入海凡河所經行之地其西北爲古冀州境其東南爲古兗州境

宣化府在 京師西北三百四十里領州三縣七

遵化州在 京師東北三百二十里明遵化縣屬薊州 本朝初屬順天府康熙十五年以

升縣爲州仍屬府乾隆八年升爲直隸州以永平府之玉田豐潤二縣來屬領縣二

易州在 京師西南二百二十里明易州屬保定 本朝初因之雍正十一年以 萬年吉地所在升爲

直隸州以涑水縣及山西之廣昌縣來屬領縣二

冀州在 京師南六百三十三里明洪武六年省州治信都縣入州屬正定府 本朝初因之雍正二年升爲

直隸州以南宮等縣來屬領縣五 謹按唐冀州治信都縣馬考入之古冀州之域又仍通典之例以漢志所

載洹水爲界謂州治以西爲冀域州治以東爲兗域考漢地理志謂故漳河在信都縣北東入海禹貢洹水亦入海夫漳水卽禹貢之洹水亦作漳河一名洹水又名洹水其實則一川也禹河既徙之後漳水循河故道而

下卽漢志所謂縣北故漳河是也其所謂泮水者乃漳水一時之徙流酈道元謂之泮潰其後水復行北道而泮潰遂空因謂之枯泮故水經注敘漳水仍以北道爲主今之冀州及諸縣並在禹河故道之東於古皆當爲
袁州境

趙州在 京師西南七百四十里明洪武初省州治平棘縣入州屬正定府 本朝初因之雍正二年升爲直

隸州以柏鄉等縣來屬領縣五

深州在 京師西南六百十二里明永樂十年置屬正定府 本朝初因之雍正二年升爲直隸州以武強等

縣來屬領縣三

定州在 京師西南五百里明屬正定府 本朝初因之雍正二年升爲直隸州以深澤曲陽縣來屬領縣二

承德府在古北口外至 京師四百二十里明天順後烏梁海居之此爲朵顏衛地其東境兼爲秦寧衛地

本朝初俱內屬名曰熱河康熙四十二年建 行宮於此曰避暑山莊五十二年築熱河城雍正元年置熱河

同知廳十一年於熱河建直隸承德州乾隆四十三年升廳爲府以八溝四旗等廳爲州縣屬之領州一縣五

口北三廳並直隸於口北道

多倫諾爾在宣化府東北五百五十里獨若口外東北二百六十里明初爲開平府尋改開平衛
在宣化府東北五百五十里明爲開平衛地後廢
本朝置上都牧廠

獨石口廳在宣化府東北一百五十里明爲開平衛地後廢
本朝置四十四年遷察哈爾都統分駐於此

弘家門廳

北宣化府西北六十里明初爲興和府尋降爲興和守禦千戶所永樂時移治宣府衛城故地遂廢 本朝康熙十四年遷察哈爾部衆分駐於此

水蘭園場之通場周一千三百餘里東西距三百餘里南北距二百餘里東至喀喇沁右翼界西至正藍旗察哈爾界南至熱河廳及四旗廳界北至巴林克什克騰界東南至喀喇沁界西南至多倫諾爾廳界東北至翁牛特界西北至克什克騰界漢遼西右北平漁陽上谷四郡北境後漢爲烏桓鮮卑地後盡入於鮮卑晉時爲慕容氏地後魏時屬庫莫奚唐初爲奚地後入於契丹遼爲中京道及上京道地金爲北京路地元爲大寶路及上都路地明初入於烏梁海後屬韃靼諸部駐牧地爲喀喇沁翁牛特巴林克什克騰等部所有 本朝康熙年間各蒙古獻其牧地爲 聖祖仁皇帝行圍講武之所今 皇上御極後亦歲舉秋獵之典 謹

按木蘭之地山水環抱地勢雄奧林茂草豐瑞獸名禽充牣蕃育洵爲天設之靈囿焉

原二百七十

盛京

謹按居岐百堵致美周詩過沛三侯流徽漢史創業艱難發祥有自固非偶然也 盛京爲古青

州之域居東方生物之位實符帝出乎震之義水土深厚長白拱其東醫無閭控其西滄溟襟其前混同江黑龍江絡其後山海環抱爲天下形勢之首蓋自開闢以來天作地藏以待首出之 聖人 太祖高

皇帝誕膺

天眷誠有東土天命十年以瀋陽形勝之地遂定都焉

太宗文皇帝底定全遼東至

使犬使鹿之部罔不服屬

世祖章皇帝統一寰宇定鼎 京師尊 盛京爲留都設文武大員駐守其

地

聖祖仁皇帝孝思維則崇奉

山陵

大駕三巡

躬修展謁又以平定羅剎闡地

至黑龍江以北大興安嶺之外

世宗憲皇帝善繼善述添設州縣增易駐防我

皇上丕顯丕承義

昭繩

武自乾隆八年暨十年再謁

圖寢

賜酺賜復恩澤便蕃賦有

陪京之製舞成

世德之辭蓋自承平累葉以來聲教之隆文明之盛逾沙漠而被京瀛

留都四境民物殷富瞻

陵廟之巍峨仰

宮廷之肅穆龍蟠鳳翥生氣鬱蔥

國家億萬年景祚鴻庥皆基於此矣

○盛京明洪武四年置定遼都衛八年改爲遼東都指揮使司以領各衛盡罷所屬州縣改元之遼陽路地置定遼中左右前後五衛及京甯海州蓋州復州金州五衛改元之瀋陽路地置瀋陽中左右中屯四衛及鐵衛改元之開元路地置三萬遼海二衛改元之廣甯路地置廣甯中左右前後五衛改元之大甯路地置廣甯中屯左屯右屯前屯後屯五衛及義州甯遠二衛永樂中復置安樂自在二州其遼東北混同江左右之境置努爾干都司領外衛一百八十四外所二十皆因其部族授爲都督都指揮千百戶鎮撫等職俾統其屬以時朝貢不在封域之內其後各相繼淪廢我朝發祥長白自遼祖定三姓之亂居俄漠惠之野鄂多理城

在今甯古塔西南三百餘里

國號曰滿洲是爲滿洲國開基之始建

肇祖光復舊業始居呼蘭哈達

山下之赫圖阿拉地方締造

興京肇基王迹至

太祖高皇帝創建鴻圖奄有哈達輝發烏拉葉赫及

甯古塔諸地天命三年城界藩五年遷薩爾呼六年取瀋陽遼陽七年建

東京於遼陽十年自東京遷都

建陽

太宗文皇帝天聰五年營建

宮闕號爲

盛京於是全遼之地悉歸撫定

世祖章皇帝

統御六合入關定鼎以盛京爲留都順治元年悉裁諸衛設八旗駐防官兵以內大臣副都統領之三年改內大臣爲按班章京給鎮守總管官印十年以遼陽爲府置遼陽海城二縣又於甯古塔設按班章京副都統領守之十四年罷遼陽府始於盛京置奉天府設府尹自盛京至京師一千四百七十餘里興京在盛京東南二百七十里至京師一千七百四十餘里明初置建州衛後廢本朝爲四祖及太祖高皇帝發祥之地天聰七年設城守尉駐此乾隆二十八年增設理事通判廳凡駐防旗務以城守尉治之仍統於奉天將軍凡旗民交涉事務以通判治之仍統於奉天府尹

奉天府領州二縣六其錦州府各州縣亦兼轄焉

錦州府在盛京西南四百九十里至京師一千九百二十里謹按禹貢海岱惟青州孔傳以爲東北據海西南距岱正義惟青州之境非止海畔故曰據也舜時又置營州鄭康成謂舜以青州越海分置營州是堯時遼東本屬青也杜佑作通典遵用舊說謂青州從岱山東歷密州東北經海曲萊州越海分遼東樂浪三韓之地西抵遼水馬考亦因之以今輿地言之從大遼水爲界遼水東之奉天府爲古青州境遼水西之錦州府爲古冀州境

吉林將軍駐吉林烏拉城在盛京東北八百二十餘里至京師二千三百里明初置毛憐兀者等外衛共八十有四置努兒干都司領之後俱廢本朝初自長白山迤東濱海諸部地近興京最先歸附鴨綠江混

同江左右全境以次撫定順治十年設按班章京及副都統鎮守甯古塔康熙元年改按班章京爲將軍十二年始建吉林烏拉城十五年將軍自甯古塔城移鎮於此

甯古塔城

在吉林烏拉城東南六百三十五里其舊城在今城西北五十里

謹按自甯古塔東七百餘里外沿松花江大烏拉江直至入海

處兩岸爲赫哲費雅哈部所居其俗不知耕種以捕魚爲生其來往行獵並皆以犬卽所謂使犬部也俗亦謂之魚皮部考陶宗儀輟耕錄稱征粟行省每歲委官至努兒干須用站車每車以四狗挽之悉謂人性元志稱其俗有狗車木馬輕捷之便狗車形如船以數十狗曳之往來遞運又舊志稱乞列迷有四種捕魚爲食著直筒衣暑用魚皮寒用狗皮不識五穀六畜自太祖高皇帝天命元年卽招服使犬路嗣後全部內附以

其土產貂皮等物就甯古塔副都統處輸納歲以爲例其有赴京師上貢者以兵護送之其散處最遠不能以時到甯古塔者若烏拉江口居住之庫頁等五百餘戶則每歲遣章京等員赴甯古塔境外三千餘里之普祿鄉等地方令其以六月會集若烏蘇里江居住之招喀爾班吉爾漢等戶則間歲遣章京等員赴甯古塔京南境外三千餘里之尼曼河地方令其以五月會集各交納貂皮給與賞賚自甯古塔水程至其所居盡處四千五百餘里各設姓長鄉長分戶管轄蓋與編戶無異云

伯都訥城

在吉林烏拉城西北四百八十里

三姓城

在吉林烏拉城東北一千九百里

阿爾楚喀城

在吉林烏拉城東北六百里

拉林

在吉林烏拉城東北三百

六十里本阿爾楚喀副都統所轄地

琿春

在吉林烏拉城東南六百餘里其南與朝鮮接界

打牲烏拉城

在吉林烏拉城北七十里

伊通河

在吉林烏拉城西北九十里

額

木赫索囉

在吉林烏拉城東南三百四十五里

巴延鄂佛囉門

在吉林烏拉城北二百十里

伊通邊門

在吉林烏拉城西一百九十里

赫爾蘇邊

門

在吉林烏拉城西北四百六十里

布爾庫蘇巴爾罕邊門

在吉林烏拉城西北五百六十八里

黑龍江將軍駐齊齊哈爾城在

盛京東北一千八百餘里至

京師三千三百餘里明永樂初有黑龍江地

面凡五十八並入朝貢羈縻於努兒干都司後俱廢

本朝太祖高皇帝天命年間黑龍江人次第歸

附有索倫達呼爾二部居東北境之額爾古訥河及精奇尼江之旁與俄羅斯接壤並服屬於

太宗文

皇帝繼因俄羅斯之衆曰羅刹竊據雅克薩之地築城居之侵擾索倫達呼爾崇德四年移其部衆駐諾尼江

後羅刹復來侵擾康熙二十二年始設將軍副都統鎮守初駐黑龍江城東北十里之愛呼城於二十五年發

兵進剿羅刹克其城俄羅斯遣使謝罪二十八年遣大臣於格爾必齊河旁立石爲界自尼布楚地以東皆歸

版圖於是索倫達呼爾諸部仍居舊地二十九年以後移黑龍江將軍及副都統駐墨爾根城三十年始建齊

齊哈爾城取諾尼江北之齊齊哈爾莊爲名三十八年將軍始自墨爾根城移鎮於此

墨爾根城

在齊齊哈爾城北少東四百二十五里嫩江南岸

黑龍江城

在齊齊哈爾城東北八百里黑龍江西岸

呼爾河

在齊齊哈爾城東南八百七十里

呼倫

貝爾

在齊齊哈爾城西少北七百六十里

打牲總管地方

在齊齊哈爾城北三百四十里

謹按索倫達呼爾爲東北最遠之部散處山林以

捕貂爲業亦稱土中人自國初天命天聰年間卽相率內附其後列於軍伍多以材勇自効至於鄂倫春一

名奇勒爾其所居益爲遼遠使烏鄂倫春在諸部之外使鹿鄂倫春又在使烏之外距齊齊哈爾城復千有餘

里考舊志謂可木地野人以樺皮爲屋行則馱載止則張架以養馬射獵爲生又稱乞列迷去努兒三千餘里一種曰北山野人乘鹿出入蓋其僻在窮荒習俗殊異自古以爲化外之邦今且審戶比丁編爲佐領儼與八旗世僕相等焉又豈特以豐貂之產歲時獻納爲媲美於禹貢之島夷皮服哉又按黑龍江四徽分設喀路其防如邊門然自齊齊哈爾邊境歷墨爾根城黑龍江城及呼倫貝爾凡設卡路六十四

原二百七十一

山東省

謹按自禹貢區州爲九後世分省不能盡依古州之限或兼及他州邊境而止若乃跨越兗青

徐三州而又錯出於豫州者惟山東爲然古兗州之界曰濟河徐州之界曰海岱及淮而青州居兗徐之中大約竟以河爲北界徐以淮爲南界濟水自河澤而下中絡其間以會汶而入海故兗徐與豫之交又必以濟分界自大河屢徙已南合於淮而溢榮之濟水支脈久湮三瀆之分流者俱經更易他如九河之旣道大野之旣澌故迹沈淪遂無定處是禹跡之難詳在東省爲尤甚鄭樵所謂山川千古不易者又未可概論矣夫山東以一隅而兼唐虞數州之地田野之闢民生之聚固自古而然春秋齊魯之間稱爲上國兩漢而下仍分置兗徐諸州而疆理各殊至唐時河從千乘入海故以此爲河南河北道宋時建都於汴故以此爲京東路至金改山東路厥後遂有山東之名蓋其貢山踞海當水陸孔道以環衛神京實爲南北鎖鑰至於巡方之典首重岱宗崇聖之儀獨隆關里地勝畿甸雲被光華此尤左輔之勝區非他省所得而同嗜矣

山東縣山東等處承宣布政使司治濟南府領撫南兗州東昌青州登州萊州六府又置山東都指揮使司

濟南等十六衛東平等五所 本朝領府十直隸州二各衛所以次裁併入州縣其存者俱專司漕運不治民事在 京師南八百里

濟南府爲省治至 京師八百里明領州四縣二十六 本朝領州一縣十五

泰安府在省治南一百八十里至 京師一千二百里明初以泰安州屬濟南府以州治泰符縣省入降東平路爲州屬兗州府 本朝雍正二年升直隸州十三年升府領州一縣六 謹按古青州西南據岱其與徐分界處說者以爲當自齊之長城故址管子謂長城之陽魯也長城之陰齊也括地志謂長城西北起濟州平陰縣歷泰山北岡上經齊州淄州東至密州瑯琊臺入海今自泰安府東阿平陰二縣始與徐分界又東爲肥城縣及泰安縣又東南爲萊蕪新泰二縣又東爲青州府之博山臨朐至諸城縣界爲古青州境其東南爲沂州府之蒙陰沂水縣及莒州界爲古徐州境

武定府在省治東北二百里至 京師七百里明宣德元年改爲州與濱州並屬濟南府 本朝雍正二年升武定與濱州並爲直隸州十二年升武定州爲府領州一縣九

兗州府在省治南三百二十里至 京師一千二百三十里明洪武初以兗州屬濟甯府十八年升爲兗州府降濟甯爲州以屬之共領州四縣二十三 本朝領縣十

沂州府在省治東南六百六十里至 京師一千六百五十里明洪武初屬濟甯五年改屬濟南府十八年以

沂州屬兗州府 本朝雍正二年升兗州府之沂州爲直隸州十二年升爲府領州一縣六

曹州府在省治西南五百八十里至 京師一千二百里明曹州屬兗州府以濮州屬東昌府降單州爲縣
本朝雍正二年升兗州府之曹州爲直隸州十三年升爲府領州一縣十 謹按古兗州東南據濟其與豫分
界處當自曹州府與徐分界處當自兗州泰安二府與青分界處當自濟南青州二府古濟水自陶邱而下東
至於荷澤考荷澤在今曹州府定陶縣境經繫諸豫雷夏澤在今曹州府濮州境經繫諸兗故二澤之間爲兗豫
之界濟水又東北流經今范縣鄆城縣南距野縣北又東北流經兗州府壽張縣陽穀縣南嘉祥縣汶上縣北
乃濟汶會流處是爲兗徐之界其西北爲古兗州境東南爲古徐州境自泰安府東阿縣以下至濟南府歷城
縣北爲今大清河所經自章邱縣以下至青州府樂安縣北爲今小清河所經卽古濟水所行之故道是爲兗
青之界其北爲古兗州境其南爲古青州境

東昌府在省治西二百十里至 京師九百四十里明東昌府共領州三縣十五 本朝領州一縣九

青州府在省治東三百三十里至 京師一千五百里明領州一縣十三 本朝領縣十一

登州府在省治東北九百二十里至 京師一千八百六十里明登州屬萊州府洪武六年升直隸州九年升

爲府共領州一縣七 本朝領州一縣九

萊州府在省治東北六百八十里至 京師一千三百里明洪武元年升萊州爲府 本朝因之領州二縣五